

ተፈሥሖሒ ማርያም ዘዘወትር

ሰላም ለማርያም አጽፈ ወልድ ዋሕድ፤
ወመጸረ ሕያው ነድ።

ለድንግልናሃ ይደሉ ሰጊድ፤
ለማርያም ዘይቤ ኢይሰግድ፤
ሞጸፈ መብረቅ በሊኅ በርዕሱ ለይረድ።

ተፈሥሖሒ ማርያም ዘዘወትር

ተፈሥሖሒ ማርያም ድንግልተ ሥጋ ወሕሊና፤

ተፈሥሖሒ ማርያም ወለተ ኢያቄም ወሐና፤

ጳጦስ አንቲ ዘአስተርአይኪ በደብረ ሲና ፤

ጎሞረ ወርቅየ መሥፈርቱ ለመና፤

ማርያም ለዕበየኪ ይደሉ መሐና።

ተፈሥሖሒ ማርያም ዘዘወትር

ተፈሥሖሒ ማርያም ድንግልተ ሕሊና ወሥጋ፤

ተፈሥሖሒ ማርያም እንበለ ሕፃን ወንትጋ፤

ተፈሥሖሒ አንቀጽ ዘኢተርገወ መንሠጋ፤ ለነፍሰ ዚአየ
ውስተ ሲቦል ኢይገድጋ፤

ፍሬ ማሕፀንኪ ወልድ ይክፍለኒ ፀጋ፤

ገበ ይገብሩ ጎሩያን እንግልጋ።

ተፈሥሖሒ ማርያም ዘዘወትር

ተፈሥሖሒ ማርያም ይደልወኪ ተፈሥሖሒ፤ ተራኅርኳ
ድንግል ዘልማድኪ ተራኅርኖ ፤

ገብርኪ ኃጥኢ ሶበ ጸራሕኩ በከልሐ፤

ለቃለ አፋየ ተወኪፈኪ ጽራሐ፤

አሆ አሆ በልኒ አሆ፤

ለቤተ መርዓየ እሁበከ መርኖ።

ተፈሥሖሒ ማርያም ዘዘወትር

ተፈሥሖሒ ማርያም ወለተ ሣራ ወርብቃ ፤ ተፈሥሖሒ
ማርያም ለደወለ ርስት ማዕነቃ ፤

ለረዲአትየ ፍጡነ እንዘ ትሠወጢ ከመ ባዜቃ፤
ብጽሒ በኢጐንድዮ ኀበ ሀሎኩ ጥቃ፤
ከመ ትፈጽሚ ለልብየ ጻሕቃ።

ተፈሥሖሒ ማርያም ዘዘወትር

ተፈሥሖሒ ማርያም እንተ አልብኪ ምሳሌ፤

ተፈሥሖሒ ማርያም ታቦተ ጎርመት ወጽሌ፤

ተፈሥሖሒ ጽሪት ዘዕረፍትየ ቢረሌ፤

አስተበጽዕ አንሰ በጉባኤ ዘለኪ ድንጋሌ፤

በኢውላውሌ እንዘ እብል አሌ፤

አንግፍኒ በትንባሌ እምብካይ ወወይሌ።

ተፈሥሖሒ ማርያም ዘዘወትር

ተፈሥሖሒ ማርያም ዘአክናፊ ንጽሕኪ ምንታዌ፤

ዘአምሰጥኪ ቅድመ እምቂዓተ ሕምዙ ለአርዌ

መጽሐፈ ብሥራት ይብሉኪ እለ ሀለዉ ምድረ ዔዋዌ፤

መክፈልተ ርስትየ አንቲ ማርያም እንተ አልብኪ

ምንሳዌ፤

ዘፈለጠ ሊተ ኢያሱ ዘነዌ።

ተፈሥሖሒ ማርያም ዘዘወትር

ተፈሥሖሒ ማርያም መደኃኒተ አዳም ወሐኔዋ፤

ተፈሥሖሒ ማርያም ሐዳስዩ ጣዕዋ፤

ርጢነ መደኃኒት ወልድኪ ለቀሩስልዩ ዘየሐይዋ፤

አውቅዱሩ በሰይፍኪ ለፀርዮ ነዋ፤

ሰይጣን ስሙ ለነፍሱ ዕድዋ።

ተፈሥሖሒ ማርያም ዘዘወትር

ተፈሥሖሒ እብላኪ ማርያም በከመ ገብርኤል መልአክ፤
ቡርክት አንቲ እምአንሰት ወፍሬ ከርሥኪ ቡሩክ፤
ለዕባዩ ገግሥኪ ዘልፈ እንዘ እሰግድ በብረክ፤
አመሰጥ አንሰ በጽንዕኪ ዘእምጸርየ ድሩክ፤
ዘይፈቅድ ይንዓወኒ በጽባሕ ወሠርክ።

ተፈሥሖሒ ማርያም ዘዘወትር

ተፈሥሖሒ ማርያም ሰርጎ ኦሮን ሌዋዊ፤

ተፈሥሖሒ ማርያም ወለተ ዳዊት ሰንቃዊ፤

ሙካፈ ሰጸለቱ ለኢዮብ አመ በቀሥሐ ይደዊ፤

ከመ ትህጽይዮ ለፀርዮ ነፍሳተ ብዙኃን ነፃዊ፤

በዲበ አብትር ቀስተኪ ቀስትዊ።

ተፈሥሖሒ ማርያም ዘዘወትር

ተፈሥሖሒ ማርያም ዘኢይኃልቅ ትፍሥሕትኪ፤

ተፈሥሖሒ ማርያም ዘኢይቀብል መዝገብኪ፤

ተፈሥሖሒ ማርያም ዘኢየሐጽጽ ዝክረ ውዳሴኪ፤

ኢትመንንኒ ለገብርኪ ዘኣጥረየኒ ወልድኪ፤

እስመ አንቲ ሊተ ወኣነ ዘለኪ።

ተፈሥሖሒ ማርያም ዘዘወትር

በመኑ እትሜካሕ ማርያም ዘንበሌኪ ምክሕየ፤
ቀርነ መድኃኒትየ፤

ብኪ ጸናዕኩ እምከርሠ እምየ፤
ማርያም ጠረጴዛሁ ለቀርባነ ወንጌል ብዕልየ፤
ውስተ እዴኪ ገደፍኩ ነፍሰየ ወሥኃየ።

ተፈጥሮ ማርያም ዘዘወትር

በመኑ እኩብር ማርያም ዘእንበሌኪ ክብረ ኩሉ፤
ነቅዓ ምድር አንቲ ወጠለ ሰማይ ዘላዕሉ፤

አንቲ ውእቱ ለዳዊት ሰንገሞ አክሊሉ፤
ብኪ እለ ተወከሉ ኢተኃፍሩ ወኢተሐገሉ፤
መገባመው ወመርሆሙ ወልድኪ በሣህሉ።

ተፈጻሚ ማርያም ዘዘወትር

በመኑ እትፈሳሕ ማርያም ዘእንበሌኪ ፍጹክል፤
እንተ ወለድኪ መሲሕ፤

ከመ እግዚይ ለኪ ምሕረተ ወፍትሕ፤
ሶበ እዜከር ርኅራኄኪ ንኅኑኝ ወዝኅዙኝ፤
እምሐኬቱ ኅሊናየ ነቕሐ።

ምንተኑ አዳሥየኪ ዕሣኔተ፤

በእንተ ኩሉ ዘገበርኪ ሊተ፤

ማርያም ሠናይት ዘታፈቅሪ ምሕረተ፤

ሶበሶ ትትዓቀቢ ዘዚአየ ኅጢአተ፤

እምኢሐየውኩ አሐተ ሰዓተ።

በሰላም ገብርኤል መልአክ ኦ እግዝእትየ ማርያም
ሰላምለኪ፤

ድንግል በኅሊናኪ ወድንግል በሥጋኪ፤

እመ እግዚአብሔር ጸባኦት ሰላም ለኪ፤

ቡርክት አንቲ እምአንሰት ወቡሩክ ፍሬ ከርሥኪ፤

ተፈሥሐ ፍሥሕት ኦ ምልዕተ ጸጋ እግዚአብሔር
ምስሌኪ።

መስተብቅዕ ለንግሥተ ኩልነ

ካህን

ወካዕበ ናስተብቅዕ ለንግሥተ ኩልነ ማርያም እምነ
ወእመ ለእግዚእነ ወመድኃኒነ ኢየሱስ ክርስቶስ
ንስእል ወነኃሥሥ ናስተብቅዕ ወንዌድስ ዕበየ
ተአምራቲሃ ብዙኅ ለእመ ጸባኦት ንጉሥ እለ ትነብሩ
ተንሥኡ ወእለ ታረምሙ አውሥኡ። ማርያምሃ በቃለ
ስብሐት ጸውዑ ፤ ቁሙ ወአጽምኡ ተአምረ ድንግል
ከመ ትስምዑ።

ዲያቆን

ጸልዩ ቅድመ ሥዕላ ለቅድስት ድንግል መራዕተ ኣብ
ወጊመ በግዑ።

ሕዝብ

ቡርክት ኣንቲ ማርያም፤

ንግሥት ኣንቲ ማርያም፤

ሠናይት ኣንቲ ማርያም፤

ወቡሩክ ፍሬ ከርሥኪ መድኃኔ ኩሉ ዓለም።

ካህን

ንዑ ንሰግድ ወንግነይ ላቲ ፤ ንዑ ንትፈሣሕ
ወንትሐሠይ ባቲ ፤ እስመ አምላክ ይኔቲ ዘበድንግልና
ክልኤቲ ዛቲ ይኔቲ ትንቤቶሙ ለነቢያት ፤ ሞገሰ
ስብከቶሙ ለሐዋርያት ፤ እሞሙ ለሰማዕት ፤
ወእኅቶሙ ለመላዕክት ፤ ላቲ ይደሉ ክብር ወስብሐት
ወለወልዳ አምልኮ ወስግደት በምድር ወበሰማያት
በባሕር ወበቀላያት ለዓለመ ዓለም።

ሕዝብ
አሜን